



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

19 Maret 2013

Tribunál Distritál Baucau realiza julgamentu movél hodi lee sentensa ba kazu krime furtu simples iha Manatuto

Iha 18 Marsu 2013 Tribunál Distritál Baucau, lee sentensa ba kazu krime furtu simples ne'ebé involve ema arguidu nain rua; Paul Pinto no Felix do Carmo Lemos hasoru Estadu. Tribunál kondena arguidu sira ho pena prizaun fulan 6, susupende ba tinan 1, selu indemnizasaun sivíl ba estadu hamutuk US\$. 30.00 no selu kustas judicial hamutuk US\$. 20.00.

Kazu ne'e rejista ho número prosesu 136/Crm.S/2012/TDB ne'ebé akontese iha 2009 nia laran iha *Perusahaan Listrik Negara (PLN) Manatuto*. Leitura sentensa ne'e realiza iha julgamentu movel ne'ebé hala'o iha Manatuto.

JSMP sente haksolok tanbá Tribunál Distritál Baucau kontinua manifesta nia komitmentu hodi realiza julgamentu movél no hakbesik justisa ba povu ne'ebé moris iha área rurais dehan Diretór Interinu JSMP Casimiro dos Santos.

Ministériu Públiku akuza arguidu sira prátika krime furtu simples ne'ebé prevee iha artigu 251 Kódigu Penál.

Bazeia ba produsaun provas iha 04 Marsu 2013, tribunál prova katak arguidu sira provadu foti gazoel litru 30 iha PLN Manatutu no faan ba comunidade. Tuir mia iha 07 Novembru 2009 arguidu Paul Pinto foti tan litru 20 maibé la konsege faan tanbá hetan prende husi Polisia iha momentu ne'ebá.

Audiénsia julgamentu ne'e lidera husi juis singulár Dr. José Gonçalves, Ministériu Públiku representa husi Dr. Baltazar Ramos no arguidu sira hetan akompañamentu husi sira nia defeza Dr. Sérgio Paulo Dias Quintas husi Defensória Públiku.

Atu hetan informasaun kle'an, favor kontaktu:

Casimiro dos Santos
Diretór Interinu JSMP
Diresaun e-mail: casmiro@jsmp.minihub.org
Landline: 3323883
www.jsmp.tl